

## **Aningaaserivinni ileqqaakkat akileraarutitigut oqilisaaffigineqarnissaat pillugu Namminersornerullutik Oqartussat nalunaarutaannut nr. 13, 31. maj 2000-imeersoq**

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaanni nr. 2, 6. maj 1989-imeersumi § 10 naapertorlugu inatsisartullu inatsisaanni nr. 2, 23. maj 2000-eersuklut kingullermik allanngortinneqartumi makku aalajangersarneqarput:

§ 1. Aningaaseriviit, aningaaserivinni ileqqaakkanut akileraarutitigut oqilisaaffigineqartunut kontunik pilersitsisut aqqissuussamik isumaginninnerminni suliasat makku isumagisassaraat:

- 1) Kontumik piginnittup aqqa, inuttut normua najugaalu ilisimassallugit.
- 2) Ileqqaakkanut akiliinermi piumasaasut tamatigut naapertorneqarnissaat nakkutigissallugu.

§ 2. Ajunngitsorsiatut erniat erniatigullu tapiissutit akileraaruteqaataasussaannngitsut aatsaat tunniunneqassapput kontumik piginnittup, ileqqaakkat siunertamut akuerisaasumut atorneqarnissaat aningaaserivimmup uppersarsarpagu kiisalu kontumik piginnittoq uppersarsammik atsiugaqarpat.

Imm. 2. Uppersarsaalluni atsiugaq uppersarsammik ilaqartillugu aningaaseriviup Akileraartarnermi Pisorta qarfimmup nassiutissavaa, aningaasat ileqqaakkat siunertamut sumut atorneqartussatut tunniunneqarsimanersut nalunaarlugu.

§ 3. Akileraartarnermi Pisorta qarfik isumaqatigiissuteqarfigalugu aningaaseriviup ukiut tamaasa 31. december-imi naatsorsukkat, kontut ataasiakkaat pillugit paasissutissanik imallit akileraartarnermut oqartussaasunut nassiuttassavai.

§ 4. Kontut ataasiakkaat pillugit paasissutissat Akileraartarnermi Pisorta qarfiup aningaaserivinnut qinnutigisinnavaa.

§ 5. Kontut amerlassusii, uninngasuutigineqartut il.il. pillugit nalunaarusiamik qinnuigineqarnermigut aningaaseriviup Akileraartarnermi Pisorta qarfik nassittassavaa.

§ 6. Paasissutissiisussaanerup qanoq ingerlanneqarnissaanut maleruagassat sukumiinerusut Akileraartarnermi Pisorta qarfimmup aalajangersarneqassapput.

§ 7. Nalunaarut atortuulissaaq ulloq 15. juni 2000.

Imm. 2. Tamatumunnga peqatigitillugu akileraarutitigut oqilisaataasumik ileqqaarnernut aqqissuussinerit pillugit nalunaarut nr. 23, 15. juni 1989-imeersoq atorunnaarsinneqarpoq.

Josef Motzfeldt

/

Kaare Hagemann